

中國歷史地理文獻輯刊

輯佚類地理文獻集成

第七編

三

上海交通大學出版社

中國歷史地理文獻輯刊

輯佚類地理文獻集成

第七編

三

上海交通大學出版社

輯佚類地理文獻集成

本冊目録

輯佚類地理文獻集成(三)									
雜誌之屬·河南卷	一								
雜誌之屬·湖北卷	四十七								
雜誌之屬·湖南卷	二三一								
雜誌之屬·兩湖卷	三四〇								
雜誌之屬·江西卷	三九二								
雜誌之屬·廣東卷	四二九								

[illegible]

雜志之屬·河南卷

(宋)孟元老 撰

東京夢華錄

清順治三年宛委山堂刻說郭本

東京夢華錄

東京夢華錄

宋 孟元老

御街

坊巷御街自宣德樓一直南去約濶二百餘步兩邊乃御廊舊許市人買賣於其間自政和間官司禁止各安立黑漆杈子路心又安朱漆杈子兩行中心御道不得人馬行往行人皆在廊下朱杈子之外杈子裏有磚石甃砌御溝水兩道宣和間盡植蓮荷近岸植桃李梨杏雜花相間春夏之間望之如繡

一
輯佚類地理
文獻集成

州橋夜市

出朱雀門直至龍津橋自州橋南去當街水飯爇肉乾脯王樓前雜兒野狐肉脯雞梅家鹿家鵝鴨鷄兔肚肺鱧魚包子鷄皮腰腎雞碎每箇不過十五文曹家從食至朱雀門旋煎羊白腸鮮脯爇凍魚頭薑豉刺子抹臙紅絲批切羊頭辣脚子姜辣蘿蔔夏月麻腐雞皮麻飲細粉素羹沙糖水雪冷元子水晶皂兒生淹水木瓜藥木瓜鷄頭饅沙糖菰豆甘草米雪涼水荔枝膏廣芥瓜兒醃菜杏片梅子薑蒿苣芥辣瓜兒細斜脍餽兒香指果子間道糖荔枝梅鐸刀紫蘇膏金絲黨梅香棖元皆用梅紅匣兒盛貯冬月盤兔旋炙猪皮肉野鴨肉滴酥水晶鮓煎炙子猪臟之類直至龍津橋須腦子肉止謂之雜嚼直至三更

酒樓

凡京師酒店門首皆縛綠樓歡門唯任店入其門一直主廊約百餘步南北天井兩廊皆小閣子向晚燈燭熒煌上下相照濃粧妓女數百聚於主廊楹面上以待酒客呼喚望之宛若神仙北去楊樓以北穿馬

東京夢華錄

二
中國歷史地理
文獻輯刊

行街東西兩巷謂之大小貨行皆工作伎巧所居小貨行通鷄兒巷妓館大貨行通賤紙店白碧樓後改爲豐樂樓宣和間更修三層相高五樓相向各有飛橋欄檻明暗相通珠簾繡額燈燭晃耀初開數日每先到者賞金旗過一兩夜則已元夜則每一瓦隴中皆置蓮燈一盞內西樓後來禁人登眺以第一層下視禁中大抵諸酒肆瓦市不以風雨寒暑白晝通夜駢闐如此州東宋門外仁和店姜店州西空城樓藥張四店班樓金梁橋下到樓曹門蠻王家孔酪張家

東京夢華錄

三 轉佚類地理
文獻集成

州北八仙樓鼓樓門張八家園宅正店鄭門河王家李七家正店景靈宮東墻長慶樓在京正店七十二戶此外不能遍數其餘皆謂之脚店賣貴細下酒迎接中貴飲食則第一白厨州西安州巷張秀以次保康門李慶家東鷄兒巷郭厨鄭皇后宅後宋厨曹門墻倚李家寺東穀子李家黃胖家九橋門街市酒店綵樓相對繡旂相招掩翳天日政和後來景靈宮東墻下長慶樓尤盛

飲食果子

凡店內賣下酒厨子謂之茶飯量酒博士至店中小兒子皆通謂之大伯更有街坊婦人腰繫青花布手巾結危髻爲酒客換湯斟酒俗謂之旋糟更有百姓入酒肆見子弟少年輩飲酒近前小心供過使令買物命妓取送錢物之類謂之閑漢又有向前換湯斟酒歌唱或獻菓子香藥之類客散得錢謂之厮波又有下等妓女不呼自來筵前歌唱臨時以些小錢物贈之而去謂之剗客亦謂之打酒坐又有賣藥或果實蘿蔔之類不問酒客買與不買散與坐客然後得

東京夢華錄

四 中國歷史地理
文獻輯刊

錢謂之撒暫如此處處有之唯州橋炭張家乳酪張家不放前項人入店亦不賣下酒唯以好淹藏菜蔬賣一色好酒所謂茶飯者乃百味羹新法鷄子羹三脆羹二色腰子蝦草鷄草渾砲等羹旋索粉玉恭子群仙羹假河鮑白滷齏貨鮓魚假元魚决明甍子决明湯齏肉醢托胎觀腸沙魚兩熟紫蘇魚假蛤蜊白肉夾面子茸割肉胡餅湯骨頭乳炊羊鬧厨羊角餛腰子鵝鴨排蒸荔枝腰子還元腰子燒臍子入爐細項蓮花鴨簽酒炙肚肱虛汁垂絲羊頭入爐羊羊頭

發鴨鴨簽雞簽雞兔炒兔葱潑兔假野狐金絲肚羹
石肚羹假炙獐把煎鵝子生炒肺炒蛤蜊蟹深蟹洗
手蟹之類逐時旋行索喚不許一味有闕或別呼索
變造下酒亦卽時供應又有外來托賣炙雞煨鴨羊
脚子點羊頭脆筋巴子蠶蛟酒蟹獐巴鹿脯從食蒸
作海鮮時果旋切蒿苳生菜西京笋又有小兒子着
白虔布衫青花手巾扶白磁缸子賣辣菜又有托小
盤賣乾果子乃旋炒銀杏果子河北鵝梨條梨乾
梨肉膠東棗園梨園桃園核桃肉牙棗海紅嘉慶子

東京夢華錄

五

輯佚類地理
文獻集成

林擒旋鳥李李子旋櫻桃煎西京雨梨尖梨甘棠梨
鳳棲梨鎮府濁梨河陰石榴河陽查子查條沙苑榲
柎回馬李荀西川乳糖獅子糖霜峰兒橄欖溫柑綿
根金橘蒴蛄荔枝召白藕甘蔗漉梨林擒乾枝頭乾
芭蕉乾人面子巴欖子榛子榧子蝦具之類諸般蜜
煎香菓菓子罐子黨梅柿膏兒香藥小元兒小臘茶
鵬沙元之類更外賣軟羊諸色包子猪羊荷包燒肉
乾脯玉板餅把餅片醬之類其餘小酒店亦賣下酒
如煎魚鴨子炒雞兔煎燠肉梅汁血羹粉羹之類每

分不過十五錢諸酒店必有廳院廊廡掩映排列小
閣子竹窓花竹各垂簾幙命妓歌笑各得穩便

萬姓交易

相國寺每月五次開放萬姓交易大三門上皆是飛
禽貓犬之類珍禽奇獸無所不有第三門皆動用什
物庭中設綵幙露屋蓋鋪賣蒲合簾席屏幃洗漱鞍
轡弓劍時果脯腊之類近佛殿孟家道冠王道人蜜
煎趙文秀筆及潘谷墨占定兩廊皆諸寺師姑賣繡
作領林花朵珠翠頭面生色鋪金花樣幙頭帽子特

東京夢華錄

六

中國歷史地理
文獻輯刊

簪冠子條線之類殿後資聖門前皆書籍玩好圖書
及諸路罷任官員土物香藥之類後廊皆日者貨街
傳神之類寺三門閣上并資聖門各有金銅鑄羅漢
五百尊佛牙等凡有齋供皆取旨方開三門左右有
兩新琉璃塔寺內有智海惠林寶梵河沙東西塔院
乃出角院舍各有住持僧官每遇齋會凡飲食茶菓
動使器皿雖三五百分莫不咄嗟而辦大殿兩廊皆
國朝名公筆跡左壁畫熾盛光佛降九曜鬼百戲右
壁佛降鬼子母建立殿庭供獻樂部馬隊之類大殿

朵廊皆壁隱樓殿人物莫非精妙

天曉諸人入寺

每日交五更諸寺院行者打鐵牌子或木魚循門報曉亦各分地分日間求化諸趨朝入市之人聞此而起諸門橋市井已開如粥羹店門首坐一小兒叫饒骨頭間有灌肺及肺酒店多點燈燭沽賣每分不過二十文并粥飯點心亦開或有資洗面水煎點湯藥者直至天明其殺猪羊作坊每人擔猪羊及車子上市動卽百數如果木亦集於朱雀門外及州橋之

東京夢華錄

七

輯佚類地理
文獻集成

西詣之果子行紙畫兒亦在彼處行販不絕其麥麵每秤作一布袋謂之一疋或三五秤作一疋用太平車或鹽馬馱之從城外守門入城貨賣至天色明不絕更有御街州橋至南內前趁朝賣藥及飲食者吟呼百端

京瓦伎藝

崇觀以來在京瓦肆伎藝張廷叟孟子書主張小唱李師師徐婆惜封宜奴孫三四等誠其角者爲王子青張七七王京奴左小四安娘毛團等教坊減罷并

溫習張翠蓋張成弟子薛子大薛子小俏枝兄楊總惜周壽奴稱心等般雜劇枝頭傀儡任小三每日五更頭回小雜劇差晚看不及矣懸絲傀儡張金線李外寧蔡發傀儡張臻妙溫奴哥真個強沒勃騰小掉刀筋骨上索雜手伎渾身眼李宗正張哥穩杖錫弄孫寬孫十五曾無黨高恕李亨詳講史李越楊中立張十一徐明趙世亨等九小說王頗喜蓋中寶劉名廣散藥張真奴舞旋楊望京小兒相撲雜劇掉刀蠻牌董十五趙七曹保義朱婆兒沒屈駝風僧哥姐六

東京夢華錄

八

中國歷史地理
文獻輯刊

姐影戲丁儀瘦吉等弄喬影戲到百金弄靈緣孔三傳耍秀才諸宮調毛詳霍伯醜商謎吳八兒合生張山人說渾話劉喬河北子弟遂吳牛兒達眼五重明喬駱駝李敦等雜班外入孫三神鬼霍四究說二分尹常賣五代史文八娘叫果子其餘不可勝數不以風雨寒暑諸棚看人日日如是教坊鈞容直每遇旬休按樂亦許人觀看每遇內宴前一月教坊內勾集弟子小兒習隊舞作樂雜劇節次

立春

立春前一日開封府進春牛入禁中鞭春開封祥符
兩縣置春牛於府前至日絕早府僚打春如方州儀
府前左右百姓賣小春牛往往花裝欄坐上列百戲
人物春幡雪柳各相獻遺春日宰執親王百官皆賜
金銀幡勝入賀訖歸私第

元宵

正月十五日元宵大內前自歲前冬至後開封府絞
縛山棚立木正對宣德樓游人已集御街兩廡下奇
術異能歌舞百戲鱗鱗相切樂聲嘈雜十餘里擊丸

東京夢華錄

九 輯佚類地理
文獻集成

蹴鞠踏索上竿趙野人倒弊冷淘張九歌吞鐵劍李
外寧藥法傀儡小健兒吐五色水旋澆泥丸子大特
落及藥柑柚兒雜劇溫大頭小曹嵇琴党千簫管孫
四燒煉藥方王十二作劇術鄒遇田地廣雜扮蘇十
孟宜染毬尹常賣五代史劇百禽蟲蟻楊文秀鼓笛
更有獮呈百戲魚跳刀門使喚蜂蝶追呼螻蛄其餘
賣藥賣卦沙書地謎奇巧百端日新耳目至正月七
日人使朝辭出門登山上絳金碧相射錦繡交輝面
北悉以綵結山杏上皆畫神仙故事或坊市間賣藥

賣卦之人橫列三門各有綵結金書木牌中曰都門
道左右曰左右禁衛之門上有大牌曰宜和與民同
樂綵山左右以綵結文殊普賢跨獅子白象各於手
指出水五道其手搖動用轆轤絞水上登山尖高處
用木櫃貯之逐時放下如瀑布狀又於左右門上各
以草把縛成戲龍之狀用青幕遮籠草上密置燈燭
數萬盞望之蜿蜒如雙龍飛走自燈山至宣德門樓
橫大街約百餘丈用棘刺圍遠謂之棘盆內設兩長
竿高數十丈以綵絲結束紙糊百戲人物懸於竿上

東京夢華錄

十 中國歷史地理
文獻輯刊

風動宛若飛仙內設樂棚差衙前樂人作樂雜戲并
左右軍百戲在其中駕坐一時呈拽宣德樓上皆垂
黃綠簾中一位乃御座用黃羅設一綵棚御龍直執
黃蓋掌扇列於簾外兩朵樓各掛燈毬一枚約方圓
丈餘內燃棹竹簾內亦作樂宮嬪嬉笑之聲下聞於
外樓下用枋木壘成露臺一所綵結欄檻兩邊皆禁
衛排立錦袍幘頭簪賜花執骨朶子面此樂棚教坊
鈞容直露臺弟子更互雜劇近門亦有內等子班直
排立萬姓皆在露臺下觀看樂人時引萬姓山呼

收燈都人出城採春

收燈畢都人爭先出城採春州南則玉津園外學方池亭榭玉仙觀轉龍灣西去一丈佛園子王太尉園奉聖寺孟景初園四里橋望牛岡劍客廟皆自轉龍灣東去陳州門外園館尤多州東宋門外快活林勃勝陂獨樂臺硯臺蜘蛛樓參家園虹橋王家園曹宋門之間東御苑乾明崇夏尼寺州北李駙馬園州西新鄭門大路直過金明池西道者院院前皆妓館以西宴賓樓有亭榭曲折池塘鞦韆毬戲酒客稅小舟

東京夢華錄

十一 輯佚類地理
文獻集成

帳設遊賞相對祥祺觀直至板橋有集賢樓蓮花樓乃之官河東陝西五路之別館尋常錢送置酒於此過板橋有下松園王太宰園杏花岡金明池角南去水虎翼巷水磨下蔡太師園南洗馬橋西巷內華嚴尼寺王小姑娘酒店北金水河兩浙尼寺巴婁寺養種園四時花木繁盛可觀南去藥梁園童太師園南去鐵佛寺鴻福寺東西栢榆村州北模天坡角倚至倉王廟十八壽聖尼寺孟四翁酒店州西北元有庶人園有劍臺流盃亭榭數處放人春賞大抵都城左近

皆是園圃百里之內並無閒地次第春容滿野暖律暄晴萬花爭出粉綺細柳斜籠綺陌香輪暖輦芳草如茵駿騎嘶嘶杏花如繡鶯啼芳樹燕舞晴空紅粧按樂於寶榭層樓白面行歌近畫橋流水舉目則蹴鞠巧笑輻處則蹴踘蹴在選勝尋芳花絮時墜金樽折翠簪紅蜂蝶暗隨歸騎於是相繼清明節矣

清明節

清明節尋常京師以冬至後一百五日爲大寒食前一日謂之炊熟用麴造棗餠飛燕柳條串之挿於門

東京夢華錄

十二 中國歷史地理
文獻輯刊

相謂之子推燕子女及并者多以是日上頭寒食第三節卽清明日矣凡新墳皆用此日拜掃都城人出郊禁中前半月發宮人車馬朝陵宗室南班近親亦分遣詣諸陵墳享祀從人皆紫衫白絹三角子青行纏皆係官給節日亦禁中出車馬詣奉先寺道者院祀諸宮人墳莫非金裝紺轡錦額珠簾繡扇雙遮紗籠前導士庶闕塞諸門紙馬舖皆於當街用紙衾疊成樓閣之狀四野如市往往就芳樹之下或園囿之間羅列盃盤互相勸酬都城之歌兒舞女遍滿園亭

抵暮而歸各携棗餲炊餅黃胖掉刀名花異果山亭
戲具鴨卵鷄雛謂之門外土儀轎子卽以楊柳雜花
裝簇頂上四垂遮映自此三日皆出城上墳但一百
五日最盛節日坊市賣稠錫麥糕乳酪乳餅之類緩
入都門斜楊柳醉歸院落明月梨花諸軍禁衛各
成隊伍跨馬作樂四出謂之棒脚其旌旗鮮明軍容
雄壯人馬精銳又別爲一景也

駕回儀衛

是月季春萬花爛熳牡丹芍藥棗棠木香種種上市

東京夢華錄

十三

輯佚類地理
文獻集成

賣花者以馬頭竹籃鋪排歌叫之聲清奇可聽晴簾
靜院曉幕高樓宿酒未醒好夢初覺聞之莫不新愁
易感幽恨懸生最一時之佳况諸軍出郊合教陣隊
端午

端午節物百索艾花銀樣鼓兒花花巧畫扇香糖菓
子糉子白團紫蘇苜蒲木瓜並皆茸切以香藥相和
用梅紅匣子盛裝自五月一日及端午前一日賣桃
柳葵花蒲葉佛道文次日家家鋪陳於門首與糉子
五色水團茶酒供養又釘艾人於門上士庶迎相宴

賞

七夕

七月七夕潘樓街東朱門外瓦子州西梁門外瓦子
北門外南朱雀門外街及馬行街內皆賣磨喝樂乃
小塑土偶耳悉以雕木彩裝欄座或用紅紗碧籠或
飾以金珠牙翠有一對直數千者禁中及貴家與士
庶爲時物追陪又以黃蠟鑄爲鳬鴈鴛鴦鸚鵡龜魚
之類彩畫金縷謂之水上浮又以小板上傳土旋種
粟令生苗置小茅屋花木作田舍家小人物皆村落

東京夢華錄

十四

中國歷史地理
文獻輯刊

之態謂之穀板又以瓜雕刻成花樣謂之花瓜又以
油麵糖蜜造爲笑顰兒謂之果食花樣奇巧百端如
捺香方勝之類若買一斤數內有一對被介冑者如
門神之像蓋自來風流不知其從謂之果食將軍又
以菉豆小豆小麥於磁器內以水浸之生芽數寸以
紅藍絲縷束之謂之種生皆於街心綵幕帳設出絡
貨賣七夕前三五日車馬盈市羅綺滿街旋折未開
荷花都人善假做雙頭蓮取玩一時提携而歸路人
往往嗟愛又小兒須買新荷葉執之蓋効顰磨喝樂

兒童輩特地新粧競誇鮮麗至初六日七日晚貴家多結綵樓於庭謂之乞巧樓鋪陳磨喝樂瓜果酒炙筆硯針線或兒童裁詩女郎呈巧焚香列拜謂之乞巧婦女望月穿針或以小蜘蛛安盆子內次日看之若網圓正謂之得巧里巷與妓館往往列之門首爭以侈靡相向

立秋

立秋日滿街賣楸葉婦女兒童輩皆剪成花樣戴之是月瓜果梨棗方盛京師素有數品靈棗牙棗青州

東京夢華錄

十五

轉佚類地理
文獻集成

巢亳州東鵝頭上市則梁門裏李和家最盛中貴戚里取索供賣內中泛索金合絡繹士庶買之一裹十文用小新荷葉包熨以麝香紅小索兒繫之賣者雖多不及李和一色揀銀皮子嫩者貨之

中秋

中秋節前諸店皆賣新酒重新結絡門面綵樓花頭畫竿醉仙錦旆市人等飲至午未間家家無酒拽下望子是時螯蟹新出石榴榲桲梨棗栗字萄弄色棧櫓皆新上市中秋夜貴家結飾臺榭民間爭占酒樓

飯月絲篁隅沸近內庭居民夜溪遙聞笙竿之聲宛若雲外闌里兒童連宵嬉戲夜市駢闐至於通曉

重陽

九月重陽都下賞菊有數種其黃白色葉若蓮房曰萬齡菊粉紅色曰桃花菊白而檀心曰木香菊黃色而圓者曰金鈴菊純白而大者曰喜容菊無處無之酒家皆以菊花縛成洞戶都人多出郊外登高如倉王廟四里橋愁臺梁王城硯臺毛駝岡獨樂岡等處宴聚前一二日各以粉麵蒸糕遺送上插剪綵小旗

東京夢華錄

十六

中國歷史地理
文獻輯刊

揗釘果實如石榴子栗黃銀杏松子肉之類又以粉作獅子蠻王之狀置於糕上謂之獅蠻諸禪寺多有齋舍惟開寶寺仁王寺有獅子會諸僧皆坐獅子上作法事講說遊人最盛下旬即賣冥衣靴鞋席帽衣段以十月朔日燒獻故也

立冬

是月立冬前五日西御園進冬菜京師地寒冬月無蔬菜上至宮禁下及民間一時收藏以充一冬食用於是車載馬馳充塞道路時物薑豉刺子紅絲末臘

鵝梨榲桲蛤蜊螃蟹

冬至

十一月冬至京師最重此節雖至貧者一年之間積累假借至此日更易新衣餽辦飲食享祀先祖官放闕撲慶賀往來一如年節

除夕

至除日禁中呈大饗儀並用皇城親事官諸班直戴假面繡畫色衣執金鎗龍旗教坊使孟景初身品魁偉貫金副金鍍銅甲裝將軍用鎮殿將軍二人亦介

東京夢華錄

十七

輯佚類地理
文獻集成

胃裝門神教坊南河炭醜惡魁肥裝判官又裝鍾馗小妹土地竈神之類共千餘人自禁中驅祟出南薰門外轉龍轡謂之埋祟而罷是夜禁中爆竹山呼聲聞于外士庶之家圍爐團坐達旦不寐謂之守歲

夢華錄

中國歷史地理
文獻輯刊

(宋)孟元老 撰

夢華錄

民國十六年上海商務印書館排印說郭本

夢華錄

孟元老

僕從先人宦遊南北崇寧癸未到京師卜居于州西金梁橋西夾道之南漸次長立正當輦轂之下太平日久人物繁阜垂髫之童但習鼓舞班白之老不識干戈時節相次各有觀賞元宵燈夕雪霽花時乞巧登高教池游苑舉目則青樓畫閣繡戶珠簾雕車競駐于天街寶馬爭馳于御路金翠耀目羅綺飄香新聲巧笑于柳陌花衢按管調絃于茶坊酒肆八荒爭轅萬國咸通集四海之珍奇皆歸市易會寶區之異味悉在庖廚花光滿路何限春遊簫鼓喧空幾家夜宴伎巧則驚人耳目奢侈則長人精神瞻天表則元夕教池拜郊孟享頻觀公主下降皇子納妃修造則創建明堂治

夢華錄

一 輯佚類地理
文獻集成

錄則立成鼎鼐觀妓籍則府曹衙能內省宴回看變化則舉子唱名武人換授僕數十年爛賞登遊莫之厭足一旦兵火靖康丙午之明年出京南來避地江左情緒牢落漸入桑榆暗想當年節物風流人情和美但成悵恨近與親戚會面及過昔後生往往妄生不然僕恐浸久論其風俗者失于事實誠爲可惜謹省記編次成集庶幾開卷得親當時之盛古人有夢遊華胥之國其樂無涯者僕今追念回首悵然豈非華胥之夢覺哉目之曰夢華錄然以京師之浩穰及有未嘗經從處得之于人不無逸闕倘遇鄉黨宿德補綴用備不勝幸甚此錄語言鄙俚不以文飾者蓋欲上下通曉耳觀者幸詳焉紹興丁卯歲除日幽蘭居士東京孟元老敘

御街

坊巷御街自宣德樓一直南去約闊二百餘步兩邊乃御廊舊許市人買賣于其間自政和間官司禁止各安立黑漆杈子路心又

安朱漆杈子兩行中心御道不得人馬行住行人皆在廊下朱杈子外杈子裏有磚石甃砌御溝水兩道宣和間盡植蓮荷近岸植桃李梨杏雜花相間春夏之間望之如繡

宣德樓前省府宮寺

宣德樓前左南廊對左掖門爲明堂頒朔布政府祕書省右廊南對右掖門近東則兩府八位西則尙書省御街大內前南去左右則景靈東宮右則西宮近南大晟府次曰太常寺州橋曲轉大街面南曰左藏庫近東鄭大宰宅青魚市內行景靈東宮南門大街以東南則唐家金銀鋪溫州漆器什物鋪大相國寺直至十三間樓舊宋門自大內西廊南去即景靈西宮南曲即對報慈寺街進奏院百種員藥鋪至浚儀橋大街西宮南皆御廊杈子至州橋投西大街乃果子行街北則都亭驛大遼人使驛也相對有榮家珠子鋪餘皆賣時行紙畫花果鋪席至浚儀橋之西即開封府御街

夢華錄

二 中國歷史地理
文獻輯刊

一直南去過州橋兩邊皆是居民街東則車家炭張家酒店次則王樓山洞梅花包子李家香鋪曹婆婆肉餅李四分茶至朱雀門街西過橋即投西大街爲之麴院街街南則遇仙正店前有樓子後有臺都人謂之臺上此一店最是酒店上戶銀瓶酒七十二文一角羊羔酒八十一文一角街北薛家分茶羊飯熟羊肉鋪向西去皆妓女館舍都人謂之院街御廊西即鹿家包子餘皆羹店分茶酒店香藥鋪居民

朱雀門外街巷

出朱雀門東壁亦人家東去大街麥穡巷狀元樓餘皆妓館至保康門街其御街東朱雀門外西通新門瓦子以南殺猪巷亦妓館以南東西兩教坊餘皆居民或茶坊街心市井至夜尤盛過龍津橋南去路心又設朱漆杈子如內前東劉廉宅以南太學國子監過太學又有橫街乃太學南門街南熟藥惠民兩局以南五里許

皆民居又東去橫大街乃至五岳觀後門大街約半里許乃看街亭尋常車駕行幸登亭觀馬騎于此東至貢院什物庫禮部貢院車營務草場街南葆真宮直至蔡河雲騎橋御街至南薰門裏街西五岳觀最爲雄壯自西門東去觀橋宣泰橋柳陰子道約五里許內有中太一宮祐神觀街南明麗殿奉靈園九成宮內安頓九鼎近東卽迎祥池夾岸垂楊菰蒲蓮荷鳧雁游泳其間橋亭臺榭葦布相峙唯每歲清明日放萬姓燒香遊觀一日龍津橋南西壁鄧樞密宅以南武學巷內曲子張宅武成王廟以南張家油餅明節皇后宅西去大街曰大巷口又西曰清風樓酒店都人夏月多乘涼于此以西老鴉巷口軍器所直接第一座橋自大巷口南去延真觀延接四方道民于此以南西去小巷口三學院西去直抵宜男橋小巷南去卽南薰門其門尋常士庶殯葬車馬皆不得徑由此門而出謂正與大內相對惟民間所幸猪須從此入京每日至晚每羣萬數止數十人驅逐無有此亂行者

夢華錄

三 輯佚類地理
文獻集成

州橋夜市

出朱雀門直至龍津橋自州橋南去當街水飯爇肉乾脯王樓前獐兒野狐肉脯雞梅家鹿家鴨雞兔肚肺鱈魚包子雞皮腰腎雞碎每個不過十五文曹家從食至朱雀門旋煎羊白腸鮮脯燂凍魚頭薑豉刺子抹臟紅絲批切羊頭辣脚子姜辣蘿蔔夏月麻腐雞皮麻飲細粉素簽沙糖水雪冷圓子水晶角兒生漉水木瓜雞頭穠沙糖菜豆甘草冰雪涼水荔枝膏廣芥瓜兒鹹菜杏片梅子薑蒿苣笋芥辣瓜兒細料餚餽兒香糖果子問道糖荔枝越梅鍋刀紫蘇膏金絲黨梅香棧元皆用梅紅匣兒盛貯冬月盤兔旋炙猪皮肉野鴨肉滴蘇水晶餚煎角子猪臟之類直至龍津橋須腦子肉止謂之雜嚼直至三更

東角樓街巷

自宣德東去東角樓乃皇城東南角也十字街南去姜行高頭街北去從紗行至東華門街晨暉門寶籙宮直至舊酸棗門最是鋪席要鬧宣和間展夾城牙道矣東去乃潘樓街街南曰鷹店只下販鷹鵠客餘皆珍珠正帛香藥鋪席南通一巷謂之界身並是金銀彩帛交易之所屋宇雄壯門面廣闊望之森然每一交易動卽千萬駭人聞見以東街北曰潘樓酒店其下每日自五更市合買賣衣服書畫珍玩犀玉至平明羊頭肚肺赤白腰子妳房肚脰鶉兔鳩鴿野味螃蟹蛤蜊之類訖方有諸手作人上市買賣零碎作料飯後飲食上市如酥蜜食棗銅澄砂團子香糖果子蜜煎雕花之類向晚賣河蜆頭面冠梳領抹珍玩動使之類東去則徐家瓜瓠羹店街南桑家瓦子近北則中瓦次裏瓦其中大小勾欄五十餘座內中瓦子蓮花棚牡丹棚裏瓦子夜叉棚象棚最大可容數千人自丁先現王團子張七聖輩後來亦有人于此作場瓦中多有貨藥賣卦喝故衣探擗飲食剃刀剪紙畫令曲之類終日俱此不覺抵暮

夢華錄

四 中國歷史地理
文獻輯刊

潘樓東街巷

潘樓東去十字街謂之土市子又謂之竹竿市又東十字大街曰從行裏角茶坊每五更點燈專一買賣衣服圖畫花環領抹之類至曉卽散謂之鬼市子以東街北趙十萬宅街南中山正店東榆林巷北鄭皇后宅東曲首向北墻畔單將軍廟乃單雄信墓也上有棗樹世傳乃棗梨發芽生長成樹又謂之棗家子巷又投東則舊曹門街北山子茶坊內有仙洞仙橋仕女往往夜遊喫茶于彼又李生榮小兒藥鋪仇防禦藥鋪出舊曹門朱家橋瓦子下橋南斜街北斜街內有泰山廟兩街有妓館橋頭人烟市井不下州南以東牛行街下馬劉家藥鋪看牛樓酒店亦有妓館一直抵新城自土市子南去鐵屑樓酒店皇建院街得勝橋鄭家油餅店動二

十餘爐直南抵太廟街高陽正店夜市尤盛土市北去乃馬行街也人煙浩闊北至十字街曰鶴兒市向東曰東雞兒巷向西曰西雞兒巷皆妓館所居近北街曰楊樓街東曰莊樓今改作和樂樓樓下乃賣馬市也近北曰任店今改作欣樂樓對門馬瑞家藥店

酒樓

凡京師酒店門首皆縛彩樓歡門惟任店八其門一直主廊約百餘步南北天井兩廊皆小閣子向晚燈燭熒煌上下相照濃粧妓女數百燈于主廊檯面上以待酒客呼喚望之宛若神仙北去楊樓以北穿馬行街東西兩巷謂之大小貨行皆工作伎巧所居小貨行通雞兒巷妓館大貨行通賤紙店白髯樓後改爲豐樂樓宣和間更修三層相高五樓相向各有飛橋欄檻明暗相通珠簾繡額燈燭晃耀初開數日每先到者賞金旗過一兩夜則已元宵則每一瓦甕中皆置蓮燈一盞內西樓後來禁人登眺以第一層下

夢華錄

五 輯佚類地理
文獻集成

祝禁中大抵諸酒肆瓦市不以風雨寒暑白晝通夜駢闐如此州東宋門外仁和店姜店州西宜城樓藥張四店班樓金梁橋下劉樓曹門樓王家乳酪張家州北八仙樓戴樓門張八家園宅正店鄭門河王家李七家正店景靈宮東牆長慶樓在京正店七十二戶此外不能偏數其餘皆謂之脚店賣貴細下酒迎接中貴飲食則第一白廚州西安州巷張秀以次保康門李慶家東雞兒巷郭廚鄭皇后宅後宋廚曹門墻李家寺東散子李家黃胖家九橋門街市酒店彩樓相對繡旂相招掩翳天日政和後來景靈宮東墻下長慶樓尤盛

飲食果子

凡店內賣下酒廚子謂之茶飯量酒博士至店中小兒子皆通謂之大伯更有街坊婦人腰繫青花布手巾縮危髻爲酒客換湯斟酒俗謂之煨糟更有百姓入酒肆見子弟少年輩飲酒近前小心

供過使令買物命妓取送錢物之類謂之閑漢又有向前換湯斟酒歌唱或獻果子香藥之類客散得錢謂之厮波又有下等妓女

不呼自來筵前歌唱臨時以些小錢物贈之而去謂之割客亦謂之打酒坐又有賣藥或果實蘿蔔之類不問酒客買與不買散與坐客然後得錢謂之撒暫如此處處有之惟州橋炭張家乳酪張家不放前項人入店亦不賣下酒惟以好淹藏菜蔬賣一色好酒所謂茶飯者乃白味羹頭羹新法餛子羹三脆羹二色腰子蝦蜆雞蕈渾砲等羹旋索粉玉基子羣仙羹假河魴白漂蟹貨鰕魚假元魚決明兒子決明湯蠶肉醋托胎觀腸沙魚兩熟紫蘇魚假蛤蜊白肉夾面子背割肉胡餅湯骨頭乳炊羊臄羊臄羊角禽腰子鴨鴨排蒸荔枝腰子還元腰子燒臄子入爐細項蓮花鴨簽酒炙肚脰盧汁垂絲羊頭入爐羊頭簽鴨鴨簽雞簽兔炒兔葱潑兔假野狐金絲肚羹石肚羹假炙犖煎鴨子生炒肺炒蛤蜊炒蟹

夢華錄

六 中國歷史地理
文獻輯刊

煤蟹洗手蟹之類逐時旋行索喚不許一味有闕或別呼宗羹造下酒亦即時供應又有外來托賣炙雞煨鴨羊脚子點羊頭脆筋巴子姜蝦酒蟹璋巴鹿脯從食蒸作海鮮時果旋切苣荳生菜西京筍又有小兒子著白虔布衫青花手巾挾白磁缸子賣辣菜又有托小盤賣乾果子乃旋炒銀杏栗子河北鵝梨條梨乾梨肉膠棗棗圈梨圈桃圈核桃肉牙棗海紅嘉慶子林檎旋鳥李子李子旋櫻桃煎西京雪梨尖梨甘棠梨鳳棲梨鎮府濁梨河陰石榴河陽查子查條沙苑榴棗回馬李葡萄西川乳糖獅子糖霜峯兒橄欖溫柑綿緝金橘龍眼荔枝邵白藕甘蔗漣梨林檎乾枝頭乾芭蕉乾人面子巴欖子榛子榧子蝦具之類諸般蜜煎香藥果子罐子黨梅柿膏兒香藥小元兒小臘茶鵬沙元之類更外賣軟羊諸色包子猪羊和包燒肉乾脯玉板鮓犯鮓片醬之類其餘小酒店亦賣下酒如煎魚鴨子炒雞兔煎煨肉梅汁血羹之類每分不過十五

錢諸酒店必有廳院廊廡掩映排列小閣子吊窗花竹各垂簾幙
命妓歌笑各得穩便

說郭卷第九十一終

夢華錄

七

輯佚類地理
文獻集成

(晉)江微 撰

陳留風俗傳

清順治三年宛委山堂刻說郭本

陳留風俗傳

一

中國歷史地理
文獻輯刊

陳留風俗傳

晉 江微

小黃縣者宋地黃鄉也沛公起兵野戰袁皇妣于黃
鄉天下平定乃使使者以梓宮招魂留野於是升蛇
在水自洒濯入於梓宮其浴處有遺髮故謠曰昭靈
夫人

浚儀有師曠倉頡城城上有列仙吹臺

雍丘縣夏后公祠有神井能興雲霓

浚儀縣北有浚水像面儀之故曰浚儀縣有倉頡師